

LAUDES A SOS SANTOS GAVINU , PROTU e IANUARIU

Cun devota humilidade  
bos pregamos tottu cantos  
inclitos Martires Santos  
pro custu Regnu pregade

- |   |   |   |  |
|---|---|---|--|
| 1 | Sa provincia Turritana<br>bos amat agradessida<br>ca li hazis dadu vida<br>cun sa dottrina christiana<br>lassande cudda pagana<br>e zega gentilidade<br>Inclitos....                      | 5 | O celestes Capitanos<br>Gavinu, Protu e Ianuariu<br>cun armas de su Clavariu<br>sezis Vittores hufanos<br>de sos impios tiranos<br>e barbara crueldade<br>Inclitos....             |
| 2 | Sa provincia e regnu tottu<br>bos prestat cultu ed honore<br>pro su divinu favore<br>chi de bois hat connotu<br>e cun animu devotu<br>bos faghet festividade<br>Inclitos....              | 6 | Cun Spiritu Divinu<br>dignu de lu ammirare<br>Protu e Ianuariu in pare<br>convertisin a Gavinu<br>de su erradu caminu<br>a sa summa Veridade<br>Inclitos....                       |
| 3 | Pro cussu ed atteros donos<br>ai custu regnu alcanzados<br>sezis sos tres segnalados<br>ispeciales Patronos<br>sas glorias chi in dulches tonos<br>bos cantamos iscurtade<br>Inclitos.... | 7 | Su prestidu lis torresit<br>preziosissimu e colmadu<br>pro sa fide chi l'han dadu<br>isse sa palma lis desit<br>a regnare los portesit<br>pro tota s'eternidade<br>Inclitos....    |
| 4 | Pro sa virtude notoria<br>e segnalada con stanza<br>contr'a sa astuta arroganza<br>barbarina ed illusoria<br>bos cantamos sa vittoria<br>Santa e bona Trinitade<br>Inclitos....           | 8 | Pues chi già regnades giuntos<br>de martiriu coronados<br>e sezis sos avocados<br>nostros in su chelu assuntos<br>totus pedimos congiuntos<br>in dogni necessidade<br>Inclitos.... |

Inclitos Martires Santos  
pro cussu regnu pregade